

BOSNA I HERCEGOVINA
Federacija Bosne i Hercegovine
Tuzlanski kanton
OPĆINA GRAČANICA
OPĆINSKO VIJEĆE

Broj predmeta: 01-05-01982-2019
Broj akta: 01EN-001
Gračanica, 30.5.2019.. godine

Z A P I S N I K
SA 29. SJEDNICE OPĆINSKOG VIJEĆA GRAČANICA

Održane dana 29. 04. 2019. godine u sali za sjednice nove zgrade Općine Gračanica sa početkom u 11,00 sati.

Početu sjednice prisustvovalo je 27 članova Općinskog vijeća Gračanica.

Odsutni su bili: Džemal Jukan, Halid Ahmetović i Kemal Dizdarević.

Pored članova Općinskog vijeća sjednici prisustvuju: Općinski načelnik, Općinski pravobranilac, šefovi službi za upravu, član Etičke komisije Asja Salkić, izvjestioci po pojedinim tačkama dnevnog reda, poslanik u Federalnom parlamentu Rahim Gadžić, te predstavnici sredstava informisanja.

Sjednicu je otvorio i istom predsjedavao Nihad Krajinović, Predsjedavajući Općinskog vijeća Gračanica, zajedno sa zamjenikom Devedžić Almedinom i sekretarom Tukulj Dženanom.

Zapisnik vodila Mevlida Naimkadić, a vršilo se i tonsko snimanje sjednice.

Zapisnik sa 28. Sjednice Općinskog vijeća Gračanica usvojen jednoglasno uz ispravku greške na stranici 18.

Nihad Krajinović Predsjedavajući Vijeća je elaborirao prispjele odgovore na vijećnička pitanja i inicijative:

Na posljednjoj 28. sjednici OV Gračanica upućeno je 12 pitanja i 9 inicijativa.

Pristigli odgovori su slijedeći :

- Vijećnik **Dino Dedić** uputio je pitanje vezano za kružni tok čijom izgradnjom je uskraćen izlaz na saobraćajnicu jednoj od kuća kod bolnice osim kroz bolničko dvorište. Odgovorom je navedeno kako je već podneseni zahtjev građana proslijeđen upravitelju navedene raskrsnice. Upućena inicijativa odnosila se na zagađivače zemljišta u toku rijeke Spreče. Pristigli su odgovori sa dvije adrese u kojima se odgovara o preduzetima postupcima.
- **Osman Sulejmanović** kroz dvije upućene inicijative predložio je saniranje pješačkih mostova i pokretanje aktivnosti uređenja deršane Osman kapetanove medrese. U odgovorima je navedeno kako će biti pokrenute

aktivnosti na realizaciji inicijativa. Druge naravno u koordinaciji Medžlisa islamske zajednice vlasnika dershane.

- Na pitanje vijećnika **Senahida Džebo** o registratoru poziva u Službi hitne medicinske pomoći. Usmeno je na sjednici odgovor o postojanju istog dao šef službe dr.Saša Operhal.
- Vijećnik **Demir Milkić** u ime Etičke komisije inicirao je izradu europske povelje o rodnoj ravnopravnosti.Inicijativa je prihvaćena, obzirom da je općina pristupila projektu u okviru kojeg se već radi na izradi Gender akcionog plana. Pitanje koje je uputio Milkić odnosilo se na uređenje igraonice u gradskom parku. U odgovoru na pitanje navedeno je kako je u toku priprema procedura za drenažu nakon čega se pristupa postavljanju travnate površine i ostalog uređenja.
- **Muhamed Omerović** zatražio je kvartalno dostavljanje vijećnicima zvaničnih obrazaca finansijskog izvještavanja. Općinski načelnik odgovorio je kako se izvještaji dostavljaju u skladu sa zakonom.
- **Ahmet Šakušić** podnio je dvije inicijative. Prvu JU Zavodu za zaštitu i korištenje kulturno-historijskog naslijeđa TK i Vladi Federacije BiH da se pokrene postupak i obezbijede finansijska sredstva za restauraciju nacionalnog spomenika Donje džamije u MZ Lukavica. U odgovoru sa navedenih adresa je navedeno kako će u narednom periodu biti raspisan javni poziv za ovakve projekte na koje se može aplicirati. Druga inicijativa upućena u pravcu saniranja ulice „Braće Fazlić“. Iz nadležne službe navode kako kako je sanacija predviđena za naredni period u okviru već planiranih i izvedenih radova na ovoj lokaciji.
- Vijećnik **Adnan Muslimović** upitao je za sudbinu Doma na Gaju. Iz nadležne službe je odgovoreno kako je bilo interesovanja za rekonstrukcijom istog i osnivanjem Doma za stara lica u pomenutom domu no da se potencijalni partner u odnosu javno-privatno partnerstvo još čeka.. U međuvremenu je pristigao odgovor vijećnika Muslimovića sa prethodne sjednice na pitanje kružnog toka na ulazu u Gračanicu. Iz Cesta FBiH odgovaraju kako u ovoj godini nisu planirana sredstva za predloženu namjenu.
- **Mirsad Mujkić** uputio je načelniku općine pitanje kada je planirano asfaltiranje ulice Ališevići. U odgovoru je navedeno kako se nalazi rješenje asfaltiranja srednje od postojeće tri ulice u ovom naselju. Jedna je završena prethodne godine, a treća posljednja bi trebala biti gotova naredne godine.
- Vijećnik **Fadil Mešić** uputio je pitanje tj. zahtjev da nadležne Kantonalne inspekcije provjere koje firme u dane praznika ne poštuju zakonske propise kada je u pitanju rad u dane praznika kao i isticanje državnih obilježja. Na ovo pitanje odgovorio je šef inspektorata općine Gračanica i naveo kako će općinska inspekcija u narednom periodu pojačati aktivnosti nadzora u pogledu poštivanja propisane odredbe isticanja zastave u dane praznika,dok se kantonalna inspekcija nije oglasila po ovom pitanju..

- Na inicijativu vijećnika **Edina Ibriševića** o izradi elektronskog servisa administrativnih postupaka iz Stručne službe Vijeća odgovoreno je kako se isti već nalazi na web stranici općine.
- Na inicijativu vijećnika **Alena Ibriševića** ORVI Gračanica o oslobađanja plaćanja parking usluge davaocima krvi, odgovoreno je kako ne posotoji mogućnost realizacije ove inicijative. Na pitanje načelniku općine da li je upućena apelacija Ustavnom sudu BiH za ocjenu ustavnosti prelaska opće bolnice na kantonalni nivo, u odgovoru je navedeno kako su u toku pripreme tužbe za zaštitu prava na lokalnu samoupravu Gračanica.
- **Edin Šehić** uputio je 2 pitanja i 1 inicijativu. Prvo pitanje usporivači brzine na putevima u MZ Babići, u čijoj je nadležnosti i na koji način se postavljaju. Koraci implementacije ovog projekta navedeni su u odgovoru nadležne službe. Drugo pitanje odnosilo se na projekat odvodnje oborinskih voda u MZ Miričina. Detaljno obrazloženje do sada urađenog u projektu navedeno je u odgovoru, također nadležne službe. I na upućenu inicijativu da se kadrovski ojača Sportski savez općine Gračanica, odgovoreno je iz Sportskog saveza.
- U međuvremenu su pristigla još dva odgovora na pitanje upućena prethodnih sjednica. Vijećniku Almedinu Devedžiću stigao je odgovor iz OIK-a na reakciju nezadovoljstva prethodnim odgovorom o sanaciji školskih prostora u Donjoj Lohinji. Iz MUP-a TK su odgovorili vijećniku Hasanu Puškaru kako su službenici PS Gračanica već reagovali na primjedbu oštećenja mag.puta u Miričini i kako je oštećenje registrovano i dokumentovano kao i da su sanacije oštećena dogovorene za naredni period.
- Na ostala pitanja i inicijative nisu pristigli odgovori.

Sjednici je pristupio i Kemal Dizdarević pa je prisutno 28 vijećnika.

Nova pitanja i inicijative kandidovali su:

Alihodžić Nermina:

“Ja za danas imam jednu inicijativu koja glasi:

Traži se da JP “Komus” d.o.o. Gračanica napravi raspored odvoza krupnog otpada za MZ Orahovica Donja kao i ostale MZ na području naše Općine i da isti dostavi sredstvima javnog informisanja.

Obrazloženje:

Uvidom i pregledom oficijelne sranice JP “Komus” d.o.o. Gračanica ustanovljeno je da nema rasporeda odvoza krupnog otpada za MZ Orahovica Donja kao ni za ostale MZ sa područja naše Općine. Izuzetak su MZ Gračanica i MZ Pribava u kojima se vrši odvoz krupnog otpada u mjesecu martu i aprilu unazad nekoliko godina.

Tražim da JP “Komus” d.o.o. Gračanica u što skorijem vremenu napravi raspored odvoza krupnog otpada objavi na oficijelnoj stranici i dostavi ga sredstvima javnog informisanja”.

Edin Šehić:

“Evo prije svojih vijećničkih inicijativa želim da iznesem informaciju o istupanju u samostalne vijećnike u Općinskom vijeću Gračanica. Razlozi su zato što sam 20. 4. 2019. izjavom o istupanju iz Stranke za BiH i samim tim daljnji angažman u Vijeću ću obnašati kao samostalni vijećnik, ali ću i dalje ostati u Klubu Stranke za Bosnu i Hercegovinu. Za današnju sjednicu imam jedno vijećničko pitanje i dvije vijećničke inicijative.

Vijećničko pitanje:

Šta se uradilo po zaključcima sa zajedničkog sastanka klubova vijećnika u OV Gračanica, predstavnicima JZU i Načelnika, te da li je do kraja provedena procedura izbora članova Zdravstvenog savjeta Općine Gračanica? Koja lica su odabrana u zdravstveni savjet i kada možemo očekivati prve konkretne mjere i djelovanje ovog stručnog tijela na poboljšanje zdravstvene sigurnosti i zdravstvene zaštite građana općine Gračanica?

Obrazloženje:

Prema Izmjenama i dopunama Statuta Općine Gračanica, usvojena je obaveza formiranja Zdravstvenog savjeta općine Gračanica, provedena je procedura Javnog poziva i izbora članova ovog stručnog tijela, ali zbog sve većeg nezadovoljstva, kako građana tako i zdravstvenih radnika, ljekara, od kojih neki napuštaju JZU, potrebno je hitno djelovanje struke na ovom polju, sve sa ciljem poboljšanja zdravstvenih usluga našim građanima.

Stoga i upućujem ovo pitanje i apelujem, ukoliko je završena procedura izbora članova Zdravstvenog savjeta, da se isti hitno konstituiše, “snimi” situaciju zdravstvenog sektora i zdravstvenih usluga na području općine Gračanica i predloži smjernice djelovanja Općinskom vijeću i Općinskom načelniku.

Prva vijećnička inicijativa je u suštini ponavljanje od prije godinu dana, a upućujem je Općinskom vijeću, Općinskom načelniku, javnim zdravstvenim ustanovama Opća bolnica Gračanica i Dom zdravlja Gračanica.

Inicijativa je za održavanje tematske sjednice OV Gračanica po pitanju zdravstvene sigurnosti i zdravstvene zaštite u općini Gračanica.

Obrazloženje:

Svjesni činjenice da su nam više nego očiti problemi u JZU na području naše općine, na koje sam i ranije upozoravan i tražio tematsku sjednicu, a koju smo evo prolongirali i čekali formiranje Zdravstvenog savjeta kojeg na žalost još nemamo, gdje nam s druge strane u posljednje vrijeme odlaze i ljekari specijalisti i sve to na štetu građana pacijenata, smatram da je krajnje odgovorno i neophodno da OV Gračanica pokrene inicijativu za održavanje jedne tematske sjednice po svim navedenim pitanjima, problemima i traženju rješenja boljeg funkcionisanja naših JZU, tačnije da se pozovu na dijalog građani, direktori i članovi upravnih odbora JZU, kao i privrednici općine Gračanica koji su izrazili spremnost za pomoć u tehničkom opremanju naših JZU. Jedna ovakva inicijativa nema cilj da bilo koga napada ili optužuje, već da smognemo snage da udruženi i zajednički poboljšamo neke od nedostataka u zdravstvenom sektoru, svako iz svog domena, kao i da poboljšamo međuljudske odnose, povjerenje i uvažavanje među kolegama, prije svega u JZU Opća bolnica “Dr. Mustafa Beganović” koji su jedan od glavnih uzročnika odlaska ljekara specijalista, a sve to se održava na loše usluge našim građanima-pacijentima!

Druga vijećnička inicijativa, takođe ponukan odgovorom na prošloj sjednici vezano za pitanje, od Sportskog saveza, upućujem inicijativu Sportskom savezu za dostavljanje imena članova Upravnog odbora Sportskog saveza Općine Gračanica, pisanih kriterija finansiranja sportskih klubova na području općine Gračanica, kao i tabelarni prikaz iznosa finansiranja svih sportskih klubova za 2016, 2017. i 2018. godinu, obzirom da su u odgovoru iskazali da su organizacija svih sportskih klubova.

Tragom odgovora na vijećničku inicijativu sa 28. Sjednice OV Gračanica, od strane Sportskog saveza općine Gračanica, u kojem se Sportski savez oglasio kao krovna organizacija sportskih klubova i udruženja na općini, sa jasno definisanim kriterijima za finansiranje sportskih klubova na području općine i stručnim Upravnim odborom, što me

posebno raduje, da sve ono što sam inicirao već odavno postoji, dodatnom inicijativom želim da dobijem informacije, da li sve navedeno u odgovoru na prethodnu inicijativu se i provodi u praksi i na koji način?

Sjednici je pristupio i Halid Ahmetović pa je prisutno 29 članova Vijeća.

Dino Dedić:

“Što se tiče vijećničkih pitanja, hvala na odgovoru. Ja sam dobio dva od postavljena četiri, pa ću sačekati i ova dva kako bi komentarisao. Za danas imam jednu informaciju, jednu inicijativu i jedno vijećničko pitanje. Znači predmet informacija o istupanju u samostalne vijećnike u Općinskom vijeću Gračanica.

Ovim putem Vas obavještavam da istupam u samostalne vijećnike u OV Gračanica, obzirom da sam 20.04.2019.godine podnio izjavu o istupanju iz Stranke za Bosnu i Hercegovinu.

Svoj daljnji angažman u OV Gračanica, do isteka mandata, obnašat ću kao samostalni vijećnik, gdje ću i dalje djelovati u okviru Kluba Stranke za Bosnu i Hercegovinu u OV Gračanica.

Vijećnička inicijativa glasi:

Podnosim vijećničku inicijativu Općinskom načelniku i nadležnim službama da se pod hitno realizuje projekat zamjene stolarije na školi u Škahovici.

Obrazloženje:

Znam da škole nisu u nadležnosti općine. Ali ovo je postao veliki problem koji mora biti riješen dok neko od djece nije nastradao.

Naime, prije par dana u pomenutoj školi je samo od sebe palo krilo prozora i sreća da nije niko povrijeđen. Krilo koje je veličine cca 2 metra sa 1,80 metara i samo zamislite da je palo na klupu, a da su djeca sjedila u klupi.

Predlažem da se projekat realizuje do početka sledeće školske godine, dal kroz budžet opštine pa da se ova stavka nađe u rebalansu, da li kroz projekat energetske efikasnosti ili da se nadležni ispred opštine obrate Ministarstvu obrazovanja, nauke, kulture i sporta TK koji su nadležni i da zajednički riješe ovaj problem.

Obrazloženje:

Prije nekoliko dana sam slušao govor načelnika, u kojem je govorio o važnosti projekta “Uređenje korita rijeke Sokoluše” kroz grad, a koji će uskoro biti završen i želim da čestitam Općinskom načelniku i službama koji su zajedno učestvovali u realizaciji ovog projekta. I da istaknem važnost ovakvog jednog projekta za sve građane a i poslodavce na našoj opštini. Što me je zainteresovalo pa da postavim sledeće pitanje.

Vijećničko pitanje:

Vijećničko pitanje upućujem Općinskom načelniku a ono glasi: Koji su sledeći planovi kada su u pitanju uređenja korita rijeka na opštini, a koja uzrokuju plavljenja? I da li se planira sanacija korita rijeka u MZ Lukavica, MZ Lendići, Pašalići, Donja Orahovica, MZ Prijeko Brdo, Miričina i druga korita koja treba sanirati, a koja nanose štetu građanima svojim plavljenjem i predstavljaju nesigurnost za građenje?

Senahid Džebo:

“Ja ću danas iznijeti jednu inicijativu u ime Kluba SDA, a odnosi se na Zečev Gaj.

Vijećnička inicijativa:

U povodu predstojećeg obilježavanja 25. Maja – Dana odbrane općine Gračanica, Načelniku općine i nadležnim općinskim službama upućujemo zahtjev da se poduzmu aktivnosti na dostojnom uređenju lokaliteta Zečev Gaj, mjesta na kome su 25. Maja 1992. godine u bitci u kojoj se odlučivala sudbina Gračanice živote izgubila deseterica boraca Teritorijalne odbrane R BiH.

Posebno zahtijevamo slijedeće:

-Da se do 25. Maja 2019.godine očiste divlje deponije smeća i životinjskog otpada sa lokaliteta zečev Gaj (koje danas oskrvnjuju mjesto na kome su za Bosnu i Hercegovinu i Gračanicu u njoj živote položila deseterica naših boraca).

-Da se u budućem periodu spriječi nastanak novih divljih deponija i uvede strožija kontrola na lokalitetu.

-Da se do 25. Maja 2019.godine uredi i obnovi postojeće spomen-obilježje stradalima na Zečevom Gaju, sagrađeno na lokalitetu Brezik (između Stjepan Polja i Malešića).

-Da se do 25. Maja naredne godine uredi mjesto pogodno za historijski čas na mjestu glavnog okršaja i pogibije boraca.

-Da se do 25. Maja naredne godine s obje strane duž puta uz Zečev Gaj postave prigodne spomen-ploče sa imenima boraca stradalih na tom mjestu (približno naspram lokacije stradanja).

Obrazloženje:

Od 2001.godine 25. Maj se obilježava kao Dan odbrane općine Gračanica, dok je predhodnih pet godina obilježavan i kao Dan općine-oboje u znak sjećanja na bitku koja se odigrala na širem području Zečevog Gaja (tromeđa Lendića, Malešića i Stjepan Polja), u kojoj su živote izgubila deseterica naših boraca. Skoro čitavo to vrijeme, historijski lokalitet Zečevog Gaja je bio poprilično zaboravljen, a izuzetkom izgradnje skromnog spomen-obilježja. U posljednje dvije godine u okviru programa obilježavanja 25. Maja – Dana odbrane općine Gračanica, primjetne su i aktivnosti na samom Zečevom Gaju (memorijalni pohod i historijski čas za učenike srednjih škola; polaganje cvijeća od delegacija Općine i boračkih udruženja), što je svaku pohvalu.

Međutim, lokalitet Zečevog Gaja je potpuno zapušten i neuređen. Na prilazu mjestu su divlje deponije smeća, na koji se već godinama baca i životinjski otpad kao izvor zaraze, a sve to na mjestu gdje su ginuli i ranjavani prvi branioци Gračanice?

Tu činjenicu smatramo krajnje poraznom i sramnom za čitavu lokalnu zajednicu.

Također, na samom lokalitetu Zečevog Gaja, na mjesto gdje su poginula deseterica, odnosno jedanaestorica branilaca Gračanice, danas ne postoji niti jedan vidljivi simbol javne memorije koji upućuje na historijski značaj tog mjesta, s obzirom da je spomen-obilježje na Breziku udaljeno više od pola kilometra zapadnije.

Vodeći se primjerom nekih drugih lokalnih zajednica, koje su dostojno obilježili mjesta od historijskog značaja, smatramo da i općina Gračanica treba na dostojan način urediti, obilježiti i zaštititi ovaj lokalitet.

S obzirom na historijski značaj ovog datuma, odnosno borbe na Zečevom Gaju (u kojoj je odbijen agresorski napad u konačnom cilju presijecanja i okupacije područja općine Gračanica), s obzirom na žrtve koje su pale tog dana u rejonu zečevog Gaja, s obzirom da se 25. Maj obilježava kao općinski značajni datum – smatramo, također, da Općina Gračanica treba da bude glavni nosilac aktivnosti poduzetih u tom pravcu. U te aktivnosti, također, treba uključiti mjesne zajednice na čijoj se tromeđi Zečev Gaj nalazi, odnosno iz kojih potječu šehidi i poginuli borci koji su izgubili život 25. Maja 1992.godine (MZ Stjepan Polje, Malešići, Gračanica, Lendići, Donja Lohinja).

S obzirom na važnost i značaj ovog pitanja, iskreno se nadamo da će ovu inicijativu podržati i ostali klubovi stranaka, kao i samostalni vijećnici u Općinskom Vijeću Gračanica, te da će i naslov kome upućujemo inicijativu prepoznati njen značaj.

U protivnom, obilježavanje 25. maja, kao Dana odbrane općine Gračanica, izgubilo bi svaki istinski smisao- jer niti jedna ceremonija, svečana akademija i manifestacija nema smisla ukoliko se mjesto gdje se prolila krv naših najboljih sinova pretvara u divlju deponiju.

Mirza Džananović:

“Za danas imam jednu vijećničku inicijativu:

Podnosim vijećničku inicijativu da se uz postojeće parkomate uvede i M-Parking usluga BH Telekoma odnosno plaćanje parking usluga putem SMS poruka.

Obrazloženje:

S obzirom da se M - parking usluga koja predstavlja pojednostavljen način plaćanja naknade za korištenje parking usluga pokazao kao veoma praktičan i koristan u gradovima kao što su Sarajevo, Tuzla, Mostar, Bihać itd. smatram da za isti postoji realna opravdanost da se uvede i u našem gradu. Taj način dodatno unaprijedi rješenje svakodnevnih potreba građana. Navedeni tip usluge predstavlja primjer olakšanja svakodnevnih potreba građana uz pomoć savremenih tehnologija odnosno digitalizaciju usluga namjenjenih građanima a što je pravac u kojem se i naša lokalna zajednica treba kretati.

Realizacija ove inicijative je veoma jednostavna i lako rješiva u saradnji sa BH Telekomom te smatram da će ista dodatno podići nivo kvaliteta života građana u našem gradu te dodatno urbanizovati i urediti saobraćaj na području opštine Gračanica.

U prilogu inicijative dostavljam e.glasnik BH Telekom.

Ja bih ovdje naveo samo još jedan primjer. Znači, zbog čega podnosim ovu inicijativu, a to je evo i ove godine imali smo problem oko markica da su građani i po više sati čekali u redu da kupe markicu. Međutim, ako su uplatili parking na dva sata, normalno da su morali napustiti red da kupe ponovo parking kartu, čime gube red i mislim da će se na neki način riješiti i taj problem, pa je i ovo jedno sredstvo da se to riješi i da se ne ide do parkomata”.

Alen Ibrišević:

Za današnju sjednicu ja imam tri vijećnička pitanja:

Prvo pitanje nemam pismeno, dostavit ću u toku sjednice, a postavljam ga sekretaru Općinskog vijeća Gračanica. A ono glasi:

Da li samostalni vijećnici mogu biti u dva različita kluba ili isključivo moraju biti u klubu samostalnih vijećnika?.

Drugo pitanje je isto kao kod kolege Šehića. Drago mi je da isto razmišljamo.

Pitanje upućujem Općinskom načelniku:

Zbog čega još uvijek nije imenovan Zdravstveni savjet Općine Gračanica?

Obrazloženje neću da čitam pošto je slično.

I treće pitanje glasi:

Pitanje upućujem Općinskom načelniku:

Da li postoji Pravilnik o raspodjeli sredstava iz budžetske stavke sportski klubovi, ekonomski kod 614311.

Obrazloženje:

Općina Gračanica je godinama prepoznatljiva između ostalog kao i sportska sredina. Iz budžeta općine se godinama izdvajaju značajna sredstva za sportske klubove, što za rezultat ima odlične rezultate naših sportskih klubova, posebno rukometnog i malonogometnog kluba. Interesuje me da li postoji Pravilnik o raspodjeli sredstava iz budžetske stavke Sportski klubovi, ekonomski kod 614311, ako postoji molim da mi se isti dostavi na uvid”.

Predsjedavajući Vijeća je upozorio vijećnika, da mora biti pismeno u skladu sa odredbama Poslovnika i da će se i u buduće tretirati kao da nije ni kandidovano pitanje ukoliko nije dostavljeno u pismenoj formi”.

Krajinović Nihad:

“Ima inicijativa koju sam ja u petak proslijedio službi, poštujući Poslovnik. Znači ispoštovao sam propisan rok, a ona glasi:

Na osnovu člana 140. Poslovnika Općinskog vijeća Gračanica upućujem na izjašnjenje Općinskom vijeću inicijativu o izmjeni naziva JZU Dom zdravlja Gračanica.

Na osnovu člana 140. Poslovnika Općinskog vijeća Gračanica upućujem na izjašnjenje Općinskom vijeću inicijativu o izmjeni naziva JZU Dom zdravlja Gračanica.

Predlažem da JZU Dom zdravlja Gračanica u buduće nosi naziv JZU “Dom zdravlja dr. Avdo Prohić” Gračanica.

Obrazloženje:

Dr. Avdo Prohić

Tragovi postojanja zdravstva na ovom području dopiru dalje kroz historiju, što se zaključuje iz podataka da je prvi ljekar na rad u Gračanicu došao još davne 1895.godine, bio je to dr. Josip Katz, kada je otvorena i prva ambulanta u ovom gradu, tadašnjoj čaršiji.

U periodu između dva svjetska rata, žitelji gračaničkog sreza liječili su dr. Avdo Prohić prvi ljekar gračanlija i dr. Ivo Mrčić, koji su ostali u lijepoj uspomeni ovdašnjeg stanovništva, ne samo kao liječnici već i kao napredno orjentisani ljudi.

Dom zdravlja u Gračanici je osnovan 14. maja 1953.godine od strane tadašnjeg Narodnog odbora gračaničkog sreza.

Dr. Avdo Prohić rođen je u Gračanici 1902.godine.Medicinski fakultet završio je u zagrebu 1928., a potom specijalizaciju za stomatologa u Beogradu.

Veliki doprinos dr. Prohić dao je antifašističkoj borbi u II Svjetskom ratu što dokazuje i njegova požrtvovanost u spašavanju ljudi koje je progonila nacistička vlast, a najbolji primjer je porodica Kolman za što je prošle godine sa bratom odlikovan najvećim Jevrejskim priznanjem u svijetu "medalja pravедnika".

Bio je filantrop, društveno odgovoran građanin u mnogobrojnim aktivnostima u Gračanici.

Dr. Avdo Prohić preselio je na onaj svijet aprila 1974.godine.

Smatram da prema svim navedenim ali i za sada nama nepoznatim referencama ovaj čovjek zaslužuje da mu se ukaže čast i njegovim imenom nazove naša zdravstvena ustanova.

Stoga molim da se Općinsko vijeće na današnjoj sjednici izjasni o ovoj inicijativi".

Data je pauza u trajanju od deset minuta.

Nakon pauze predsjedavajući Vijeća Nihad Krajinović je iznio slijedeće:

"Vezano za ovu inicijativu koju sam ja podnio i zatražio izjašnjavanje, malo smo se konsultovali na ovoj pauzi, ja povlačim ovu inicijativu do naredne sjednice".

Prešlo se na raspravu o predloženom dnevnom redu koji glasi.

1. Razmatranje i usvajanje Izvještaja o izvršenju Budžeta Općine Gračanica za period 01.01. - 31.03.2019. godine.
2. Razmatranje i usvajanje Nacrta Odluke o dodjeli općinskih priznanja.
3. Razmatranje i usvajanje Odluke o zamjeni člana V MZ.
4. Donošenje Rješenja o razrješenju člana stalnog radnog tijela OV Gračanica, Komisija za etički kodeks, ravnopravnost spolova, prava i slobode čovjeka, predstavke i pritužbe.
5. Donošenje Rješenja o imenovanju člana stalnog radnog tijela OV Gračanica, Komisija za etički kodeks, ravnopravnost spolova, prava i slobode čovjeka, predstavke i pritužbe.
6. Donošenje Rješenja o imenovanju Općinskog pravobranioca Općine Gračanica.
7. Razmatranje i usvajanje Izvještaja o radu i finansijskom

poslovanju sa sa bilansom stanja i uspjeha, JZU Gradska apoteka Gračanica za 2018. godinu.

8. Razmatranje i usvajanje Izvještaja o radu i finansijskom poslovanju sa bilansom stanja i uspjeha, JP „Veterinarska stanica“ d.o.o. Gračanica za 2018. godinu.
9. Razmatranje i usvajanje Izvještaja o radu i finansijskom poslovanju sa bilansom stanja i uspjeha, JZU Dom zdravlja Gračanica za 2018. godinu.
10. Razmatranje Informacije o higijensko epidemiološkoj situaciji na području općine Gračanica.
11. Razmatranje Informacije o radu Općinskog suda u Gračanici u 2018.godini.
12. Razmatranje Informacije o zbrinjavanju napuštenih i izgubljenih životinja (pasa lotalica) na području općine Gračanica.

U toku rasprave Predsjedavajući Vijeća je upoznao prisutne članove Vijeća, da se tačka 11 povlači s dnevnog reda, s obzirom da izvjestilac po ovoj tački dnevnog reda nije u mogućnosti prisustvivati sjednici, što je u skladu sa odredbama Poslovnika o radu Općinskog vijeća. Informacija će se razmatrati na narednoj sjednici.

Nije bilo učesnika u diskusiji i dnevni red 29. Sjednice je usvojen jednoglasno, a glasi:

1. Razmatranje i usvajanje Izvještaja o izvršenju Budžeta Općine Gračanica za period 01.01. - 31.03.2019. godine.
2. Razmatranje i usvajanje Nacrta Odluke o dodjeli općinskih priznanja.
3. Razmatranje i usvajanje Odluke o zamjeni člana V MZ.
4. Donošenje Rješenja o razrješenju člana stalnog radnog tijela OV Gračanica, Komisija za etički kodeks, ravnopravnost spolova, prava i slobode čovjeka, predstavke i pritužbe.
5. Donošenje Rješenja o imenovanju člana stalnog radnog tijela OV Gračanica, Komisija za etički kodeks, ravnopravnost spolova, prava i slobode čovjeka, predstavke i pritužbe.
6. Donošenje Rješenja o imenovanju Općinskog pravobranioca Općine Gračanica.
7. Razmatranje i usvajanje Izvještaja o radu i finansijskom

poslovanju sa sa bilansom stanja i uspjeha, JZU Gradska apoteka Gračanica za 2018. godinu.

8. Razmatranje i usvajanje Izvještaja o radu i finansijskom poslovanju sa bilansom stanja i uspjeha, JP „Veterinarska stanica“ d.o.o. Gračanica za 2018. godinu.
9. Razmatranje i usvajanje Izvještaja o radu i finansijskom poslovanju sa bilansom stanja i uspjeha, JZU Dom zdravlja Gračanica za 2018. godinu.
10. Razmatranje Informacije o higijensko epidemiološkoj situaciji na području općine Gračanica.
11. Razmatranje Informacije o zbrinjavanju napuštenih i izgubljenih životinja (pasa lotalica) na području općine Gračanica.

TAČKA 1

RAZMATRANJE I USVAJANJE IZVJEŠTAJA O IZVRŠENJU BUDŽETA OPĆINE GRAČANICA ZA PERIOD 01.01. – 31.03. 2019.GODINE

Uvodno obrazloženje je dao Općinski načelnik Nusret Helić:

Evo nas kod prvog tromjesečja i izvršenja budžeta za period 01.01. do 31.03 2019.

Da vas podsjetim: budžet za 2019. godinu u svojen je 27.12. 2018 godine u iznosu od 15.746.162 KM. Kasnije je korigovan za 10.000 namjenskih sredstava za utopljanje područne škole u MZ Babići, tako da je ukupan budžet za 2019. Godinu 15.756.162 KM

Za prvo tromjesječe prihodi i primitci su ostvareni u iznosu od 3.108.925 KM ili 86,02 % od plana.

Porezni prihodi su ostvareni u iznosu od 2.047.273 KM ili 100,39 % a neporezni u iznosu 802.191 KM ili 114,25 %

Grantovi ili potpore su ostvareni u iznosu od 258.311 KM ili 30,99 % u odnosu na plan za tri mjeseca.

Veoma je pozitivno što su osnovni prihodi budžeta: od poreza na dohodak i indirektni poreza ostvareni u gotovo planiranim veličinama. Takođe i neporezni. Za grantove je očekivano da se slabije ostvaruju u prvom tromjesječju jer se tek sada trebaju donositi odgovarajuće odluke viših organa vlasti i provoditi procedure. Ukupni izdaci i rashodi iznose 2.490.954 KM. Manji su od planiranih za 38,45 % a u odnosu na isti period prošle godine veći su za 22,51%. Ukupan finansijski rezultat ili suficit u ovom periodu je 1.917.971 KM. I logično je da se u prvom kvartalu oprezno prilazi izvršenju, pogotovo nekih stavki, ali je najvažnije da ne dolazi do prekoračenja ukupno planiranih stavki i da se redovno finansiraju osnovne funkcije i potrebe: rad Službi, vijeća, obaveze, krediti, funkcionisanje javnih komunalnih službi i drugo. Neke manje ostvarene stavke odnosno izdaci iskazani u ovom izvještaju već su realizovane početkom aprila (javna rasvjeta,

grantovi MZ i političkim strankama i sl) a počinju i neki projekti ili se vode procedure tako da je već sada drugačije izvršenje.

Uvjereni smo da će se u periodu koji je pred nama nastaviti pozitivan trend ostvarenja prihoda a i sustići i uskladiti izvršenje izdataka.

Već na početku godine se potvrdilo da rastu cijene posebno projekata puteva i dr, tako da neka nedostajuća sredstva obezbjeđujemo iz budžetske rezerve a kasnije ćemo planirati kroz rebalans budžeta. O tome ćete biti redovno informisani.

Sve drugo imate u izvještaju i obrazloženju. Još jedna napomena Budžet je živa i promjenjiva materija i gotovo je nemoguće da se, posebno u prvim mjesecima i kvartalu njegovo izvršenje ostvaruje u planiranim veličinama.

Predlažem da usvojite Izvještaj o izvršenju budžeta za prva tri mjeseca 2019.godine“.

Učesnici u diskusiji su:

Sulejmanović Osman je iznio stav Komisije za budžet:

„Komisija za budžet je razmatrala Izvještaj o izvršenju budžeta za period 01.01.-31.03.2019.godine i predlaže Vijeću da ovakav izvještaj usvoji“.

Almedin Devedžić:

Klub vijećnika SDA je razmatrao Izvještaj o izvršenju budžeta Općine za period 01.01.-31.03.2019.godine i donio slijedeće zaključke.

Evo čuli smo i načelnika i njegov komentar vezano za ovaj Izvještaj.Klub će podržati ovaj Izvještaj sa slijedećim konstatacijama.Dakle svi oni projekti, a upravo je to i načelnik rekao, koji su potpisani u 2018.godini, a nisu realizovani zbog raznoraznih razloga potrebno je staviti u prioritet u realizaciji i nadam se da će to biti u mjesecu aprilu kad je krenula građevinska sezona, znači ići će prvo ti projekti, posebno kad je u pitanju putna i ostala infrastruktura.I postoje i projekti koji su za završetak planirani u 2019.godini.Sigurno su procedure u toku jer je prikazano koji su to projekti i oni će biti vrlo brzo kad su u pitanju tenderi i ostalo, završeni.Znači ti projekti bi mogli biti u komadu realizovani, da se tako izrazim.Klub SDA će podržati ovaj Izvještaj, sa nadom da će se u narednom periodu intenzivnije krenuti sa radovima i rješavati stavke koje su predviđene budžetom za 2019.godinu“.

Vahidin Smajlović:

„Klub SDP-a je razmatrao takođe ovaj Izvještaj o izvršenju budžeta za prva tri mjeseca 2019.godine i mi izražavamo zadovoljstvo pozitivnim izvršenjem budžeta.Evo znači nije došlo do prekoračenja po bilo kojim stavkama.Imao i taj suficit za koji znamo, čega je rezultat znači negdje oko 618.000 KM i dobro je što možemo reći a i načelnik je već rekao da imamo prihode od poreza, dobri su znači prilivi sredstava, naročito od indirektnih poreza, što nam daje, ne garanciju, nego neku sigurnost da radom na kraju godine moežmo doći do završenog pozitivnog poslovanja i izvršenja budžeta.Ono što je karakteristično za ovaj period, kao i u predhodnoj godini, je da imamo vrlo malo infrastrukturnih ulaganja prva tri mjeseca.To je rezultat i slabog, nedovoljnog i malog priliva grantova i potpora.To je tako i ide, sad je već to i treba da krene.A isto kao i kolega Almedin što je rekao i mi tražimo da se prvo završi realizacija projekata koji su prenešeni iz predhodne godine i da budu znači prioritet.Isto tako, da se raspišu tenderi, za projekte koji su planirani u ovoj godini, kako bismo mogli na vrijeme realizovati, jer ima problema i sa izvođačima koji su nekad i zauzeli, da to imao sve na

jednom mjestu i da se to sve odradi. Klub SDP-a će znači podržati ovaj Izvještaj, a ono što ja imam, to je jedno pitanje, da iskoristim i pitam za projekat protivgradne zaštite. Volio bih da vidim u kojoj fazi je taj projekat protivgradne zaštite, obzirom da evo vremenske prilike su takve da se vrlo brzo može očekivati i grad i loše vrijeme, pa da znamo dokle smo došli sa tim“.

Edin Šehić:

„Evo uvažavajući sve ovo što je načelnik rekao o prvom kvartalu, kada se zaista ne mogu implementirati kapitalni projekti ja sam analizirajući izvršenje budžeta za prvi kvartal par stavki sebi poredao, pa ću kroz pitanja i određene konstatacije brzinski da pređem. Bilo bi poželjno, obzirom da na polugodišnjem i godišnjem izvještaju imamo taksativno nabrojano rezervu. Tamo je taksativno nabrojano koji su to projekti finansirani iz budžetske rezerve, ali ovdje je iznos 21.329,00 KM i bilo bi dobro da imamo tabelu u kojim iznosima su se finansirale te stvari iz rezerve. Druga stvar, ono što je načelnik rekao vezano za prioritete koji ne smiju biti ugroženi kad je u pitanju finansiranje iz budžeta. Ja imam ovdje jednu malo digresiju, naknade komisijama za rad isplaćeno 400 % u odnosu na planirano. Dakle, umjesto 3.750,00 KM isplaćeno 15.000,00 KM dok je MZ, a to je u aprilu isplaćeno tek 63 % od planiranog. Dakle, ne gledamo baš na dobar način, mislim da i MZ zavređuju da imaju na vrijeme sredstva za svoje funkcionisanje. Zatim, isto poređenje vezano za sportske klubove. Transferi prema sportskim klubovima su od 114 do 152 % od planiranih isplaćeni u prvom kvartalu, dok recimo za nevladine organizacije ove koje standardno imamo u budžetu, Udruženje demobilisanih itd., je 33 %. Mislim da nije srazmjeran omjer, ako se već vrši isplata iz budžeta, imamo suficit, mislim da je korektno da se i njima isplati 100 % planiranih sredstava za prvi kvartal. Zamolio bih načelnika, ukoliko može, rekli smo da je prvi kvartal vrijeme kada nemamo građevinskih radova, imamo stavku 8.000,00 utrošenih za kapitalna ulaganja sportskim klubovima. Ako može se samo reći o čemu se radi, šta se isfinansiralo za 8.000,00 po tom osnovu? I kupovina zemljišta u iznosu od 5.000,00 KM čisto me interesuje, šta se može kupiti za 5.000,00 KM, a ukupno je planirano 20.000,00 KM. Zatim, osvrta na stavku budžeta-postavljanje dječijih igrališta u MZ. Ukupno planirano za godinu 15.000,00 mislim da je jedno realizovano u Rašljevi, tako da me interesuje procedura za apliciranje na tu stavku budžeta. Na koji način i ima li nekakav plan, u kojim još MZ-a će se postaviti dječije igraonice? Da li se ostavlja mogućnost da i drugi konkurišu za to u MZ, ukoliko naravno ima za to propisana procedura. I ovo na kraju po treći puta da zamolim, da intervenišem na grešku u Izvještaju vezano za puteve u MZ Babići. Imamo i stenograme, ako se dakle vratimo unazad i kad smo usvajali budžet, jasno stoji na mojoj intervenciji, da je načelnik za govornicom rekao da će se to ispraviti. A tiče se stavke za put u Huskićima gdje smo rekli 15.000 plus 3.000,00 odnosno ukupno 18.000,00 ide iz budžeta, sada na toj strani 10-12 na samom kraju stoji da je 3.000,00 budžet, 15.000,00 učešće građana, dok za put Kahvedžijama stoji 47.500,00 iz budžeta a treba da stoji 32.500,00 KM, a 15.000,00 od sredstava građana, obzirom da su građani sakupili sredstva i predali na Općinu jer sam učestvovao u tome. Tako da bih zamolio da se to napokon ispravi, jer građani će upravo da prikupljaju sredstva i krenu u realizaciju za Husiće, a ovi iz kahvedžija su dali sredstva za taj put i da takođe budu uvaženi i imaju svoje mjesto u budžetu u skladu sa sredstvima koja su predali“.

Dino Dedić:

„Što se tiče Izvještaja o izvršenju budžeta za prvi kvartal 2019. godine ja sam zadovoljan i kažem da ću ga podržati. Jedina stvar koju bih da pitam i da mi odgovorite jeste na zadnjoj stranici znači imaju projekti gdje je pokrenuta javna nabavka ili su potpisani ugovori a tiče se stavke izrada projekata horizontalne i vertikalne signalizacije na području MZ Gračanica. Većina nas je imala neke prijedloge za ugradnju nekih znakova, ležećih policajaca i usporivača saobraćaja pa me interesuje da li je u ovo uključeno s ovim projektom

i postavljanje horizontalne i vertikalne signalizacije i postavljanje usporivača saobraćaja kod osnovnih škola?

Hasan Puškar:

„Moja primjedba na ovaj dio Izvještaja o izvršenju budžeta i zahtjev za naredni period izvještaja bi bio da nadležne službe prije raspisivanja tendera za kapitalne projekte prioritet budu projekti iz manjih MZ-a, odnosno da manje MZ budu prioritet kao što su Lohinja, Buk, Gornji Doborovci itd. Nema potrebe da objašnjavam, kad analiziramo Izvršenja budžeta uvijek vidimo da ovi manji projekti ostanu i prenose se. Ja bih zahtijevao kod načelnika ili odgovarajuće službe, pošto su to većinom manja sredstva da pri raspisivanju tendera u narednom periodu budu prioritet manje MZ, jer su to manja sredstva za kapitalna ulaganja. To ćemo analizirati u izvještaju za šest mjeseci i vidjeti je li se išta uradilo po tom pitanju“.

Odgovore na pitanja i sugestije dao je Općinski načelnik Nusret Helić:

„Bilo je par pitanja pa evo i par odgovora. Kad su u pitanju ulaganja sportskih klubova dakle data su sredstva za sportski teren Miričina odnosno uređenje svlačionica za Miričinu. U međuvremenu takođe i za Orahovicu. Kupovina zemljišta je rješavanje imovinskih odnosa za ovaj veliki projekat gradskih kolektora za jednu parcelu, malo veću parcelu gdje ide između dvije kuće a vlasnik nije pristao da ide ta dionica bez naknade. Radi se o potezu mezarje u Čirišu, tako da je zaista bila složena situacija i to je to, nismo ništa kupovali. Kad je u pitanju greška oko ovog puta, bili su ispravili i prenio sam u službi, ali opet ću intervenisati. Dino, ovaj projekat za koji je raspisan javni poziv, radi se dakle za Gračanicu i jednostavnije je da se rade ti prilazi kod osnovnih škola u odnosu na cjelokupni saobraćaj u gradu. Tako da smo odabrali izvođača, očekujemo rješenje a uporedo ćemo raditi ovu po MZ, odnosno kod škola. Budžet, neke stavke za sport će se uklopiti u godišnji izvještaj. Nešto ide sad, evo pomenuo si neku stavku bitno je da mi to ne prekoračimo. Tako i za sportske klubove, jer evo nakon mjesec dana je pauza, do tad su veći troškovi zbog toga je to. Ovo što je Hasan predložio, mi ćemo probati sve. Vjerujte da nam je problem jer imamo jednu osobu koja na tome radi i narasle su potrebe za još u sistematizaciji, ne stiže se sve raspisati i zato kasnimo. Sada idu i E edukacije i dupli postupak i vjerovatno ćemo potegnuti za pojačanjem da malo te procedure ubrzamo. I sad stoji na desetine pripremljenih tendera, ne stiže, ali evo pokušat ćemo i s malim ali možda je bolje s većim jer su složeniji postupci. Ali probat ćemo, ja sam rekao da se nadam da će se budžet ostvariti i da će se realizovati svi projekti. To što se zakasni mjesec ja mislim da nije do nas. Već sad evo kreće negdje 20-tak projekata za koje smo procedure završili krajem godine ili početkom. Kreće se od Doborovaca pa Soko, Džakule, prijeko brdo itd. prema gradu. Ovo su komisije iz ranijeg perioda. Mi imamo, ne znam tačan iznos dužni po osnovu komisija za tehničke preglede i vidjeli ste da svake godine ubacimo u budžet, pokušavamo za dvije-tri godine sustići. I to je ostvarenje i to su uglavnom vanjski saradnici u komisijama plus Komisija za procjene. Vidjeli ste Izvještaj te komisije i pohvalili ga, valja to sustići, a sada komisija radi subotom i nedjeljom. Dakle ne radi u radno vrijeme, i to se plaća“.

Nihad Sinanović, šef Službe za poduzetništvo je odgovorio na pitanje Smajlovič Vahidina vezano za projekat protiv gradne zaštite.

Pošto više nije bilo učesnika u diskusiji Izvještaj o izvršenju budžeta Općine Gračanica za period 01.01. – 31.03.2019. godine je usvojen jednoglasno.

TAČKA 2

RAZMATRANJE I USVAJANJE NACRTA ODLUKE O DODJELI OPĆINSKIH PRIZNANJA

Uvodno obrazloženje je dao Hasan Puškar, Predsjednik Komisije za propise i Statut:

„Stav Komisije za propise i Statut, izbor i imenovanja, općinska priznanja i obilježavanje značajnih događaja i ličnosti za 29. Sjednicu Općinskog vijeća.

Na sjednici Komisije održanoj 26.4.2019.godine Komisija je donijela sljedeće stavove:

-Komisija predlaže da javna rasprava traje do 15.05.2019.godine-

-Komisija traži od Općinskog vijeća da se izjasni o mogućnostima dodjele priznanja organizacionim dijelovima koji nisu pravna lica. Na primjer, prošle godine Paralelna muzička škola, a ove godine Jedinica za javni red i mir.Prema Odluci o općinskim priznanjima, Općinsko priznanje Zlatna plaketa dodjeljuje se kolektivu, ali nije jasno naznačeno šta se podrazumijeva pod kolektivom, odnosno da li je potrebno da isti ima pravni subjektivitet.

I pod tri Komisija traži od Općinskog vijeća da se izjasni o broju priznanja Počasni građanin, obzirom da isti nije utvrđen Odlukom.

Komisija je zauzela stav da se ove godine mogu dodijeliti dva takva priznanja, uzimajući u obzir kvalitet predloženih kandidata“.

Učesnici u diskusiji su:

Edin Šehić:

„Evo obzirom da je ova Odluka u formi nacrt, imat ćemo svi vremena da se izjasnimo pismeno o istoj. Međutim ja ovdje želim da istaknem, obzirom da je i Klub Sranke za BiH a i ja lično i kolega Dino i još mnogi drugi podnijeli su prijedlog za Udruženje mladih „Sijedi Krš“ pa želim samo da istaknem par stvari, iako su vjerovatno svi iščitali opis koji smo dostavili na prijedlog. Prošle godine smo imali dva privredna subjekta koji su dobili Zlatne plakete dakle Poly i Radial i zaista mislim da ove godine treba da bude jedan od dobitnika Zlatne plakete, nevladino udruženje, odnosno nevladin sektor. Nevladino udruženje najviše u suštini promovise društvenu zajednicu, a ta vrijednost je još veća jer tu rade zaista ljudi entuzijasti, volonteri bez naknade, s ljubavlju. A znamo i svi da jedan od kriterija za dodjelu priznanja, je za postignuti, kreativan rad a posebno kod djece i omladine. Zato smatram da je Udruženje mladih „Sijedi Krš“ iz Babića, lider što se tiče tih djelatnosti i tih akcija. Stoga bih vas sve zamolio da obratite pažnju, prilikom ove rasprave, da uvažite sve ono što je Udruženje mladih „Sijedi Krš“ uradilo, jer evo i deset godina je jubilej kojeg proslavljaju ove godine. Dakle, deset uspješnih godina i mislim da za jedan tako lijep jubilej i svoj rođendan, deseti rođendan, zaslužuju jedno ovakvo priznanje.Tako da bih zamolio da oni koji nisu pročitali obrazloženje, da uzmu i pažljivo iščitaju, a to je samo dio šta su ti amandmani sve uradili“.

Vahidin Smajlović:

„Evo prije svega želim da odam priznanje svim predloženim kandidatima, jer su oni to sigurno zaslužili na osnovu svog rada i doprinosa za kompletnu teritoriju općine Gračanica. Smatram da ovdje svakako treba voditi računa zaista da ne licitiramo o imenima.Prijedlog Komisije imamo i u nacrtu je i imamo mogućnost da do 15.5.2019.godine opet damo svoje prijedloge i sugestije i onda nakon toga dobro da i Komisija i Kolegij svi razmotrimo i da dođemo do prijedloga koji su da kažem najbolji među najboljima jer je teško, svi ovi kandidati i svi ovi prijedlozi nisu tu bez veze.Tu su zato što su zaslužili ali bi trebali da vodimo računa o tome, da ovo skidamo ovog uzimamo onog, pogotovo da to licitiramo i govorimo imena.Da nam se ne desi da jednostavno kada druge predložimo da neće da prihvate kandidaturu.Mene ovdje raduje što ove godine imamo zaista veći broj predlagača.Za Zlatnu plaketu imamo, čini mi se 32 predlagača koji su predložili 9 kandidata.Imamo 18 predlagača za Zlatnu značku koji su predložili 7 kandidata i 17 predlagača za Počasnog građanina koji su predložili 3 kandidata.U odnosu na predhodnu godinu zaista imamo veliki broj predlagača, što je dobro, znači značajno je a ne da se priča treba ukinuti.Znači ima tu interesa, samo treba da probamo da nađemo ono najbolje.

Klub SDP-a će podržati prijedlog Odluke, odnosno nacrt i opet kažem da svi razmotrimo i vjerovatno mi svi imamo neki od svojih prijedloga, ideja i da probamo da nađemo najbolje, opet kažem među najboljima i da oni dobiju zasluženno ta priznanja“.

Džebo Senahid:

„Povodom ovoga ja ću samo tražiti da nam sekretar Općinskog vijeća malo pojasni. Komisija ovdje od nas traži da se mi izjasnimo da li to može ići u nekakvom smislu više priznanja i vjerujte sad da se stavi na glasanje pitanje, ja ne znam kako bih glasao. Koju pravnu osnovu ima, da li nema, pa eto da nam malo pojasnite da i mi znamo kako da reagujemo na ovu stvar. I prvo i drugo pitanje“.

Odgovor je dala Dženana Tukulj:

„Sekretar je bio i na Komisiji i ovo je bila da tako kažem zajednička odluka. Ja ću posjetiti na član 11, prije svega da komisija može predložiti u toku jedne kalendarske godine najviše dvije Zlatne plakete i tri Zlatne značke i posebno Općinsko priznanje Počasni građanin Općine Gračanica. Znači, našom odlukom članom 11 koju je donijelo Općinsko vijeće i koji je jedini autentični tumač svojih odluka, nije definisan broj koji možemo dodijeliti za Počasnog građanina. Definisane su dvije Zlatne plakete i tri Zlatne značke. Zbog toga je Komisija tražila od vas kao neko ko jedini može i ima pravo da tumači svoje odluke, da li je ovdje mišljeno da je to samo jedna ili može i više. Ponovit ću, posebno Općinsko priznanje Počasni građanin općine Gračanica. Posjetit ću vas isto tako da je to priznanje u vidu jednog papira, Zlatne plakete i Zlatne značke iziskuju troškove na budžet, zato što su one od pravog zlata. Ovdje nema da kažem, materijalnih izdataka, tako da ako tražite moje mišljenje, ja mislim da nema nikakve prepreke ovdje, da se može dodijeliti i više za Počasnog građanina. Drugo pitanje koje je Komisija stavila pred vas jeste pitanje za kolektiv.

Mi smo u ovoj Odluci koristili termin kolektiv. Posjetit ću na član 7. Općinska priznanja Zlatna plaketa dodjeljuje se kolektivima a Zlatna značka dodjeljuje se pojedincima koji rade i djeluju na području općine Gračanica i koji radeći i djelujući van područja općine Gračanica doprinose i prosperitetu. Terminologija kolektiva zaista nije određena i niko od nas ne može tumačiti šta znači kolektiv. To nije zakonska kategorija, nismo stavili u Odluci pravno lice. Po nekoj logici ovo bi trebalo biti pravno lice kojima se dodjeljuje Zlatna plaketa, a fizičkom licu da se dodjeljuje Zlatna značka. Međutim terminologija koja je korištena u Odluci je kolektiv, šta se pod tim misli morat će te odgovor dati vi kao Općinsko vijeće. Ili da ostavite da Komisija donese prijedlog takve Odluke. Ja stvarno ne znam i ne bih ulazila, ova Odluka je iz 2008. godine i terminologija kolektiv. Mi kad smo raspisivali poziv, napisali smo, a to nam je ona zadnja stranica što vam je došla uz materijal, šta smo podrazumijevali pod kolektivom, a to je neko šire tumačenje koje zaista nije autentično i dobro bi bilo da Općinsko vijeće o tome odluči“.

Općinski načelnik Nusret Helić:

„Ne mislim tumačiti ovo što je Dženana rekla kad je u pitanju Počasni građanin. Mi smo dobili dva kvalitetna prijedloga. Komisija se prvobitno izjasnila za jedno a onda sam i ja tražio, po prvi put sam dao prijedlog. Znači kako funkcionise ovo oko dodjele priznanja, smatrao sam da se radi o osobi koja je, pored onog što ste dobili u obrazloženju, malte ne zaslužena za formiranje Rukometnog kluba, za uspjeh Rukometnog kluba. Čovjek koji na svaki način promoviše i danas, u teškim da kažem uslovima, Gračanicu, a radi se o našem profesoru Vlatku Kraljeviću. I mislim da nema ni jedne smetnje, primjenjujući ovu Odluku da se dodijeli. Vidjeli ste da je i Sarajevo neki dan dodijelio dvije povelje Počasni građanin. Dakle, ne određuje se tu brojno tačno, nego zavisno od prijedloga koja dođu, analiza itd. Ja zaista predlažem, evo i što je i Komisija predložila da se ove godine dodijele dva

priznanja Počasni građanin osobama koje su na neki način i promovisale Općini Gračanica i dan danas promovišu“.

Pauza je data u trajanju od deset minuta, kako bi Kolegij održao sastanak.

Nakon pauze obrazloženje je dao Hasan Puškar, Predsjednik Komisije:

„Nakon konsultacija Kolegija Komisija predlaže da dopunimo Nacrt Odluke o dodjeli općinskih priznanja i u članu 3 posebno općinsko priznanje „Počasni građanin“ Općine Gračanica dodjeljuje se Hamidović Enesu iz Austrije i Vlatku Kraljeviću iz širokog Brijega Bosna i Hercegovina. Ostalo ostaje kao što je u nacrtu“.

Predsjedavajući Vijeća je zaključio raspravu i definisao slijedeći zaključak“.

„Usvaja se Nacrt Odluke o dodjeli općinskih priznanja.

Vijećnici i klubovi vijećnika mogu na Nacrt Odluke o dodjeli općinskih priznanja dostaviti primjedbe, prijedloge i sugestije Komisiji za propise i Statut, izbor i imenovanja, općinska priznanja i obilježavanje značajnih događaja i ličnosti, najkasnije do 15.05.2019.godine do 16,00 h.

Primjedbe i sugestije treba da sadrže i stavove po pitanju dodjele ZLATNE PLAKETE kolektivima“.

Zaključak je usvojen jednoglasno.

TAČKA 3

RAZMATRANJE I USVAJANJE ODLUKE O ZAMJENI ČLANA V MZ

Nije bilo učesnika u diskusiji i Odluka o zamjeni člana Vijeća MZ je usvojena uz 1 glas „SUZDRŽAN“, a ostali „ZA“.

TAČKA 4

DONOŠENJE RJEŠENJA O RAZRJEŠENJU ČLANA STALNOG RADNOG TIJELA OV GRAČANICA, KOMISIJA ZA ETIČKI KODEKS, RAVNOPRAVNOST SPOLOVA, PRAVA I SLOBODE ČOVJEKA, PREDSTAVKE I PRITUŽBE

Nije bilo učesnika u diskusiji i Rješenje o razrješenju člana stalnog radnog tijela OV Gračanica, Komisija za etički kodeks, ravnopravnost spolova, prava i slobode čovjeka, predstavke i pritužbe je usvojeno sa 24 glasa „ZA“ i 1 „SUZDRŽAN“.

TAČKA 5

RJEŠENJE O IMENOVANJU ČLANA STALNOG RADNOG TIJELA OV GRAČANICA, KOMISIJA ZA ETIČKI KODEKS, RAVNOPRAVNOST SPOLOVA, PRAVA I SLOBODE ČOVJEKA, PREDSTAVKE I PRITUŽBE

Nije bilo učesnika u diskusiji i Rješenje o imenovanju člana stalnog radnog tijela OV Gračanica, Komisija za etički kodeks, ravnopravnost spolova, prava i slobode čovjeka, predstavke i pritužbe je usvojeno jednoglasno.

TAČKA 6 RJEŠENJE O IMENOVANJU OPĆINSKOG PRAVOBRANIOCA OPĆINE GRAČANICA

Nije bilo učesnika u diskusiji i Rješenja o imenovanju Općinskog pravobranioca Općine Gračanica je usvojeno jednoglasno.

Općinski pravobranilac Jasminka Imširović je dala svečanu zakletvu, a nakon toga se i zahvalila Općinskom načelniku i Općinskom vijeću na podršci i imenovanju.

TAČKA 7 RAZMATRANJE I USVAJANJE IZVJEŠTAJA O RADU I FINANSIJSKOM POSLOVANJU SA BILANSOM STANJA I USPJEHA, JZU GRADSKA APOTEKA GRAČANICA ZA 2018.GODINU

Učesnici u diskusiji su:

Mešić Fadil:

„Od kako je gradska apoteka počela sa svojim radom, u tim godinama je poslovala u suficitu zahvaljujući dobro organizovanom menadžmentu i danas prisutnoj direktorici Nadira Kulenović.S obzirom da na području općine Gračanica i na jaku konkurenciju privatnih apoteka, današnju javnu zdravstvena ustanova sa svojim radom može se pohvaliti i mi im čestitamo.međutim imam ovdje i dva pitanja pa ako može da ih direktorica zapiše:

-Dakle u 2017.godini naknade članovima upravnih odbora potražili ste 5.812 KM, dok u 2018.godini to je samo 1.500 KM.

I dalje da mi pojasnite ako možete, u koloni troškovi ne proizvodnih usluga u 2017.godini bilo je 12.543,75 KM, dok je to u 2018.godini 27.400.Šta znači troškovi ne proizvodnih usluga?“.

Topčagić Mirzet:

„Mi u Klubu vijećnika SDP-a Gračanica smo razmatrali Izvještaj o radu i finansijskom poslovanju JZU Gradska apoteka Gračanica i naš stav je da ćemo podržati ovaj Izvještaj uz sve pohvale znači za rad direktorice, upravnom odboru i svim uposlenicima ustanove“.

Hadžić Nejra:

„Također ispred Kluba SDA razmatrali smo Izvještaj o radu i finansijskom poslovanju Gradske apoteke te ćemo isti podržati“.

Džananović Mirza:

„Ispred Kluba DF, Naša stranka razmatrali Izvještaj i ove ostale izvještaje iz tačke 8. i 9., tražimo da se za sljedeću godinu dostave ako i postoje zakonska obaveza da se uradi revizorski izvještaj i da se priloži za sljedeću godinu i taj izvještaj“.

Edin Šehić:

„Evo ja ću ispred Kluba Stranke za BiH čestitati zaista menadžmentu i direktorici za uspješnu godinu Izvještaj je jako dobar, imam par stavri ne znam da li će direktorica moći odgovoriti s obzirom da nije prisutan računovođa, a neću se ljutiti ako ne bude mogla odgovoriti na pitanje. Tiče se povećanja zaliha u odnosu na 2017. godinu u iznosu od 70.000 KM, onako me interesuje znam da ste otvorili novu poslovnicu u Sokolu ali da li je to baš razlog toga. Zatim, imamo kupce u zemlji ukupno 304.664 koja je struktura tih kupaca na što se oni odnose, mislim koji su najveći kupci u toj ukupnoj sumi i ujedno da se obrazloži povećanje od potraživanja kupaca u odnosu od 55.000 KM u 2017. godini. Također imamo u bilansima iskazana kratkoročna razgraničenja 37.645 KM i dugoročna razgraničenja u iznosu od 59.659 KM, više su ova dugoročna malo upitna obzirom da znamo sa razgraničenjima da pod navodnicima ne da štimamo rezultat nego obično razgraničenja utiču na poslovni rezultat, tako da ovih 59 hiljada u suštini utiče na rashod. Dobavljači u zemlji iskazan u iznosu 524.349 koji je u odnosu iz 2017. godine veći za 175 hiljada, takođe mogli bi u obrazloženje znatno veliki iznos obaveza prema dostavljačima u odnosu na 2017. godinu. I evo na kraju stanje na gotovine na žiro računu 141.000 KM, a imamo ovolike obaveze prema dobavljačima, jednim razlogom može biti da nisu bili u valuti ali ne znam zašto ovolike obaveze ako smo već imali novca. Dakle, to su samo onako čisto informacije koje bi volio da mi odgovorite a ponavljam ne možete ako niste spremni obzirom da su finansijskom pokazatelju onda vam neću zamjeriti. Još jednom vam čestitamo na uspješnom radu i podržat ćemo ovaj Izvještaj“.

Odgovore na pitanja na koja je bila spremna dati, dala je direktorica JZU Gradska apoteka Gračanica Nadira Kulenović.

Krajinović Nihad:

„Evo s obzirom da sam tu, a i dio vas koji su tu bili i ovaj a i prošli mandat svjedoci pohvala na račun menadžmenta Gradske apoteke u Gračanici i direktorice Kulenović na njeno uspješno vođenje ove zdravstvene ustanove na tržištu kako jeste u našoj zemlji koristim priliku da s obzirom gospođa Kulenović završava svoj mandat i svoj radni staž i odlazi u penziju, uputim lično sreću da i u penziji uživa kako je uživala predpostavljam ovih godinu i decenija na svom radnom mjestu i vjerujem da će i dalje davati svoj doprinos društvenoj zajednici kao i do sad kroz neke svoje savjete i učešće na drugi način. Još jednom vam čestitam na uspješnom radu i želim vam sretan odlazak u penziju“.

Predsjedavajući Vijeća Nihad Krajinović je zaključio raspravu i dao na izjašnjanje Izvještaj o radu JZU Gradska apoteka Gračanica.

Izvještaj o radu i finansijskom poslovanju sa sa bilansom stanja i uspjeha, JZU Gradska apoteka Gračanica za 2018. godinu je usvojen jednoglasno.

TAČKA 8

RAZMATRANJE I USVAJANJE IZVJEŠTAJA O RADU I FINANSIJSKOM POSLOVANJU SA BILANSOM STANJA I USPJEHA, JP „VETERINARSKA STANICA“ D.O.O. GRAČANICA ZA 2018. GODINU

Uvodno obrazloženje po ovoj tački dnevnog reda dao je direktor JP „Veterinarska stanica“ Gračanica Zajim Spahić:

„Ja bih samo u kratkim crtama rekao nešto o Izvještaju i poslovanju o Veterinarskoj stanici Gračanica. Na ovo naše poslovanje i prihod koji je ostvaren JP „Veterinarska stanica“ Gračanica, ja zajedno i moji usposlenici smo zadovoljni jer smo ostvarili ipak kroz, ovaj težak

period pogotovo u 2017.godini ostvarili smo pozitivan prihod. Drugo, radi rashoda smog i promjene koji je uzrokovao izmjenama zakona na međunarodnom računovodstvenom standardu i međunarodnom standardu finansija nije se moglo ublažiti ovaj gubitak i rashod koji smo mi pokušali u čitavoj 2018.godini da smanjimo da bude što manje. Finansijski nisam ja možda zadovoljan sa radom neki drugih institucija koji su direktno krivci za rad i plaćanja, to je Federalno ministarstvo poljoprivrede i molim da i Kantonalno ministarstvo poljoprivrede. Uticalo je više faktora, prvo imam 40 % unazad dvije godine smanjen stečajni fond, to je direktno uticalo na naš prihod koji smo planirali u 2018.godini i on iznosi blizu 15.000 KM. Znači sami ti prihodi su umanjili Veterinarskoj stanici. Drugo imamo još fakturu otvaranje drugih veterinarskih stanica koje rade iste poslove, a koji nisu u istom da kažem košu kao JP „Veterinarska stanica“ Gračanica. Prvo što mi po zakonu djelujemo i standardizaciji radnih mjesta, drugo mi ne možemo nabaviti lijek ili bilo šta bez javnih nabavki, znači ne možemo raditi na crno. Ovo je čisto komercijalno otvaranje privatnih ustanova koji su ostvarivali veliku dobit. Ministarstvo poljoprivrede sebi daje zapravo da umanjuje broj grla koja će stanica uraditi i mi smo imali 1.600 grla da uradimo za predhodnu godinu ali su nam smanjili 400 grla, s kojim pravom ja ne znam samo su nam poslali dopis da umjesto 1.600 grla uradimo 1.100 grla. To je direktni gubitak i prihod Veterinarskoj stanici koji iznosi oko 30.000 KM, samo to umanjuje. Kantonalno ministarstvo Tuzlanskog kantona je nam umanjilo poticaj za vještačko osjemenjavanje. Mi kad smo pravili ugovor bio je subvencije su bile 10 KM naših usluga a sad su smanjili 10 KM farmerima koja i sad se realizuje a oni nama plaćaju po 4 KM. Federalno ministarstvo je napravilo da mi radimo za mizernu sumu koji su nam nametnuli za dijagnostičko ispitivanje liječničkog kartona koji iznosi 25 KM, to znači dijagnostičko ispitivanje, to je stvarno mizerno jer ta je usluga koštala 55 KM, odmah u startu vidimo da su nam oduzeli i s kojim pravom umanjili broj grla da uradimo i kad vidimo cijenu onda dolazimo do odgovora sa kojim ja nisam zadovoljan. Mi smo dobro radili ja i moj kolektiv i svi moji uposlenici radili smo i ja sam zadovoljan sa ovim ostvarenim prihodima. Uposlenici radili smo i ja sam zadovoljan sa ovim ostvarenim prihodima. U buduću ja ću se obratiti Općinskom vijeću dopisom jednim prema gradonačelniku. Oni žele jednostavno, da li su nam jedan obrazac da ispunimo da izvrše podjelu terena na općini Gračanica. Ja ne znam ko je sebi dao za pravo da vrši podjelu terena. Veterinarska stanica nije saglasna s tim niti su saglasne sve druge veterinarske stanice. Oni jednostavno hoće da podijele teren i MZ, sjedeći u kancelariji gore, ne izlazeći na teren. ne znaju ni svrhu posla kojim se bavi veterinar. Oni jednostavno žele da unište javna preduzeća na opštini Gračanica i svim opštinama u BiH. Oni jednostavno žele da ga toliko snize i da ga unište da više ne postoji. I ja ću se obratiti vama gradonačelnice i Općinskom vijeću da uputite dopis prema federalnom ministarstvu i prema Premijeru, a i Kantonalnom ministarstvu, jer je ovako stvarno nemoguće raditi. Broj zaposlenih je velik, mi ulažemo i dajemo sve od sebe. radi se 24 sata a ovo što smo ostvarili ja sam zadovoljan. Ako bude pitanja odgovorit će vam finansijski stručnjak“.

Učesnici u diskusiji su:

Edin Šehić:

„Evo obzirom da je direktor JP „Veterinarska stanica“ Gračanica doveo pojačanje sa sobom, došao je u društvu certificiranog računovođe i imat ću jedno pitanje. Da se pojašni otpis potraživanja 30.866 KM, da smo malo bliže upoznati s tim na što se to odnosi. A za ovaj gubitak se nemojte sikirati jer imate pola miliona i možete pokriti, samo vi nastavite raditi, tako da sve u svemu čestitke. I sama bilansna pozicija aktive gdje imate imovinu od 554 navodne a 62.000 sadašnje vrijednosti govori da morate ući u reorganizaciju odnosno investiranje da budete konkurenti na tržištu. A što da ne da se nametnete da budete sa nekom dobrom privatnom kompanijom i javnom privatnom partnerstvu i da pokrijete cijeli reon grada Gračanice sa kvalitetnom uslugom. Tako da čestitam na ostvarenom rezultatu sa svojim

kolektivom ali brojke ne znače puno, dobro radite posao i samo ako može finansijski taj odgovor vezano za ovaj gubitak“.

Vahidin Smajlović:

„Evo kad god je tema o poljoprivredi ili ovako o stočarskoj proizvodnji ja to kažem da je činjenica i svi mi to vidimo da je zaista poljoprivredna i stočarska proizvodnja u velikoj krizi. Stanje je tako da jednostavno evo iz uvodnih izlaganja direktora Veterinarske stanice rekao da je stočni fond smanjen za 40 % pa i više je on smanjen, ja vjerujem da je on prepolovljen. Svi mi ovdje koji egzistiramo i u MZ i u selima što se kaže u ruralnim područjima svjedoci smo da se jednostavno štale zatvaraju, znači sve je manje stoke, sve je manje stočnog fonda. I ja ovdje zaista postavljam i sebi pitanje i razmišljam o tome za dvije, tri godine ne vjerujem da će iko upisati ako se ovako stanje nastavi Veterinarski fakultet. Zašto da ga upiše kad veterinari ne mogu biti svi inspektori, jednostavno tako nam je stanje. Stočarska proizvodnja je teška proizvodnja, uslovljena vremenskim prilikama, više zstvari neprilikama, važna stopa profitabilnosti i na žalost bez nadzorne pomoći države zaista je osuđena na ovako stanje kako jeste. Evo ja ću vam reći jedan podatak samo onako malo da napravite jednu komparaciju. Federacija BiH daje posticaj oko 67-70 miliona KM. Nama susjedna zemlja hrvatska Milijardu. I može sada da zamislimo u kakvoj su situaciji naši farmeri, jednostavno rezultat ovakvog stanja gdje se zatvaraju farme, ljudi odlaze iz BiH, odlaze oni ljudi koji su radili u preduzećima koji su imali kući jednu ili dvije krave ili par grla i tako su nešto radili i dovedeni smo u takvo stanje na žalost bojim se ako iduće godine živi bili nećemo imati neke veće pomake što se tiče toga. Ne zato što oni ne rade već jednostavno zbog takvog okruženja. Ja ovdje zaista ne želim da opravdam rad Veterinarske stanice ali ovo su svakako faktori koji utiču na rad i na ovakav izvještaj kakav danas imamo. Liječni karton koji podrazumijeva dijagnosticiranje, Celozu i Brucelozu i slično sa 55 spalo je na 25 hiljada KM. Skoro 30.000 na grla koja su već dijagnosticirana. Tako da umjesto na 1.100 što treba da plati kanton, on plati za 916. isto tako za vještačko osjemenjavanje. Ja sam bio kod direktora veterinarske stanice išao sam malo da vidim šta je uticalo na ovo. Svjestan sam kakvo je stanje. Broj dijagnosticiranih ovaca ima koliko je bilo u Veterinarskoj stanici, broj je umanjen za 800. jednostavno ministarstvo ti ne plaća dalje. Veterinarska stanica bi trebala da bude, ona djeluje kao preduzeće i kao servis, ali se mora na tržištu da ponaša tržišno. Imamo druge privatne veterinarske stanice, bez obzira što veterinarska ima 1.000 ili 1.200 KM kolika je već plata doktora veterine, ne znam i to plati u punom iznosu. A privatnih i ja plaćam minimalnu platu zbog mnogobrojnih obaveza. Znači u startu smo u takvoj situaciji a ona se mora prilagoditi uslovima na tržištu. Sve su to faktori koji su većim dijelom doveli do toga. Opet kažem Veterinarska stanica je javni servis i ona treba da djeluje na cijeloj općini Gračanica. Mi sad imamo, a ovo i piše u Izvještaju, dvije ambulante u Lukavici i Doborovcima koje su u sastavu veterinarske stanice, koje rade nerentabilno. Hoćemo li mi sad kao Vijeće ili Općini govoriti da treba da se zatvore te ambulante, jednostavno nema profitabilnosti, a zove neko iz Buka, za usluge i slično. Znači jako teško stanje ovaj gubitak vezano za potraživanje izaći će ali mislim da je tu otpis potraživanja od Kokaprodukta ovih 25.000 iz 2010. godine i slično. Sve je to uticalo na ovo. U svakom slučaju mi u Klubu SDP-a ćemo podržati ovaj Izvještaj, uz naravno sugestije menadžmentu veterinarske stanice da poduzme sve mjere u cilju zadržavanja tržišta u cilju smanjenja ovih gubitaka i naravno da se proba ovaj manjak koliko toliko da se on revidira, da se smanji i nadoknadi. Ja vjerujem da će menadžment poduzeti sve mjere i da ćemo iduće godine imati puno bolje stanje u Izvještaju“.

Hasan Puškar:

„Klub vijećnika SDA će podržati ovaj Izvještaj. Mi se vodimo prvenstveno da cilj javnog preduzeća odnosno javnih ustanova nije ostvarivanje dobiti nego kvalitetno pružanje usluga građanima i to treba prvenstveno i da bude cilj. A mi znamo da je ovo preduzeće na usluzi građanima 24 sata dnevno, o prihodima i rashodima nebi puno diskutivao, nekad su

dobri, nekad gori, ali vidimo da nije krivac pomenuta utsanova, nego i viši nivoi vlasti snose dio krivice. Znači, podvlačim cilj osnovne javne ustanove ili opreduzeća je pružanje kvalitetne usluge građanima za životinje, a ne ostvarivanje prihoda, odnosno dobiti“.

Vezano za finansijski dio Izvještaja kao i pitanje postavljeno od strane vijećnika Šehića dao je Haris Čajić.

Zaključena je rasprava, a u sali je bilo prisutno 28 članova Vijeća jer je sjednicu opravdano napustio Mešić Fadil.

Izvještaj o radu i finansijskom poslovanju sa bilansom stanja i uspjeha, JP „Veterinarska stanica“ d.o.o. Gračanica za 2018. godinu je usvojen jednoglasno.

TAČKA 9

RAZMATRANJE I USVAJANJE IZVJEŠTAJA O RADU I FINANSIJSKOM POSLOVANJU SA BILANSOM STANJA I USPJEHA, JZU DOM ZDRAVLJA GRAČANICA ZA 2018.GODINU

Učesnici u diskusiji po ovoj tački dnevnog reda su:

Alen Ibrišević:

„Ja samo želim da iskoristim priliku pošto je tu direktorica. Prije godinu i više postavio sam pitanje vezano za izgradnju 1 lifta u staroj zgradi Doma zdravlja, pa me zanima dokle je došlo sa tim projektom“.

Mirsad Mujkić:

„Klub vijećnika SDA na svojoj sjednici je razmatrao Izvještaj o radu JZU Dom zdravlja Gračanica za 2018.godinu. Izvještaj kao izvještaj je dobar i mi u Klubu ćemo ga podržati. Što se tiče samog izvještaja on je temeljito i analitički urađen, odnosno uređen. Tmo kada je u pitanju tehnička opremljenost zadovoljni smo s tim. Zadovoljni smo i sa izvještajem finansijski odnosno rashodima, odnosno приходima, da su veći prihodi odnosno na rashode. Ponavljam podržat ćemo Izvještaj i čestitam u ime Kluba i menadžmentu i uposlenicima na svemu tome. Samo bih imao jedno pitanje za direktoricu koja je tu. Da li postoji plan stručnog usavršavanja ljekara odnosno plan specijalizacija, s obzirom da imamo stari kadar koji će narednih godina većinom biti penzioneri. Dakle, da li postoji plan za njihovu adekvatnu zamjenu“.

Demir Milkić:

„Ja ću da kažem da smo i mi u SDP-u također razmatrali Izvještaj i isti ćemo podržati“.

Odgovore na pitanja i sugestije dala je Murisa Ustavdić direktorica JZU Dom zdravlja Gračanica:

„Ovako bila su dva pitanja, vezana za lift o kojem pričamo već dvije godine i drugo pitanje stručno usavršavanje.

Što se tiče Doma zdravlja Gračanica 2016.godine kad sam imenovana za direktora, mi smo uvidjeli da naš Dom zdravlja ima dva problema a to je: Prvi problem je prostor id rugi problem je kadar. jedna zdravstvena ustanova mora zadovoljiti tri standarda: prostor, oprema i kadar. Mi imamo opremu, međutim trebalo bi raditi na ove dvije stvari, a to je kadar, znači stručno usavršavanje kadra. Mi imamo plan, kao što ste već vidjeli u Izvještaju već 13

specijalizirana ljekarna je na specijalizaciji i mi smo gledali da šaljemo ono što je prvenstveno primarna zdravstvena zaštita, jer mi smo zdravstvena ustanova primarnog nivoa. Uglavnom ne šaljemo na specijalizacije sekundarnog nivoa to je konsultativno specijalistička zato što evo imamo jedan problem da ne znamo šta će u budućnosti biti, da li će konsultativno specijalistička van bolničkog ostati pri Domu zdravlja ili će se pripojiti standardnim zdravstvenim ustanovama i moram priznati da nas već 10 godina drže u neizvjesnosti i zbog toga i svi drugi domovi zdravlja ne šalju na specijalizacije i sad se stvorio jedan deficit tog kadra. Tako da mi nemamo očnog doktora, nemamo otorinca nemamo neurologa. Znači, kao što sam već rekla prošle godine koliko to košta Dom zdravlja slanje na stručno usavršavanje, jer to se svi domovi zdravlja finansiraju iz vlastitih sredstava. Tako da smo svi u nekoj pat poziciji. U Zeničko-Dobojskom kantonu je već taj slučaj da konsultativno specijalistička pripojena sekundarnom nivou, to je isti u RS. Sad je pitanje kad će se to desiti na našem kantonu. Tako da mi šaljemo na specijalizacije koje su striktno vezane za primarni nivo i ivo zdravstvene zaštite. Međutim, evo mi više ne možemo čekati, 10 godina kako se o tome priča. Mi nemamo očnog ljekara, treba Gračanici više od jednog očnog ljekara i vidim da je i Opća bolnica tražila specijalizaciju očnog. Tako da ćemo mi imati za godinu i pol dana odprilike očnog ljekara. Isto tako i u ovoj godini treba da krene još jedan specijalizant na ginekologiji, za urgentnu medicinu. A evo već su počeli u ovoj godini da prispjevaju novi specijalizanti. Tako da mi imamo plan i svake godine se minimalno dvoje pošalje na specijalizaciju. Na žalost dugogodišnji problem je što 6 godina niko nije poslan na specijalizaciju i to je jedan veliki vakum da su specijalisti već došli u neke godine. To je problem regije, čitave Federacije i ja sam već govorila da je prosječna starost specijaliste 58 godina. Međutim, ima još jedan problem, isto tako problem regije a to je odliv kadra. Prvo što u zadnje vrijeme sve više odlaze ljekari, prvo zbog ne priznavanja reprezentativnosti strukovnog sindikata ljekara i stomatologa. Neko ko je stub zdravstva ne priznaje se da može da odlučuje o svom statusu u zdravstvu i to je jedan veliki problem. Drugi problem odliva konkretno kad je u pitanju Dom zdravlja Gračanica, mi smo nekad bili vrlo atraktivan Dom zdravlja i ljudi su htjeli da rade u našem Domu zdravlja zato što smo imali puno bolje uslove za rad u smislu plata. Raniji kolektivni ugovori su regulisali plate, tako da je regulisano minimum uslova al međutim to je sad maksimum uslova i tako što bez obzira što Dom dravlja dobro posluje mi ne možemo povećati satnicu jer bila je budžetska inspekcija koju je to nama zabranila. tako da mi više nemamo čime da povučemo kadar. Znači i ranije su postojale mogućnosti ugovorenih plata za onaj kadar koji je deficitaran znači rijetke specijalizacije na koji smo i na taj način privlačili za rad u Domu zdravlja Gračanica, međutim to je sad problem. I mislim da treba osloboditi zdravstvo te luđačke košulje, kolektivnog ugovora i smatram da ukoliko firma dobro posluje treba omogućiti da poslodavac da veću platu i da na neki način privuče kadar. Što se tiče stručnog usavršavanja mi radimo na tome i to su dugotrajni procesi, pred specijalizaciju su 4-5 godina al evo sad kažem u ovoj godini smo već dobili prve specijalizante, već evo imamo redove tog planiranja. Što se tiče lifta, znači lift kao lift je najmanji problem. Mi kad smo ušli u ovaj projekat planirali smo samo lift da radimo, međutim kad se gledalo i ušlo malo u te papire vidjeli smo da je tu zgrada u jako lošem stanju. Njoj je već 40 godina i drugo što ona nezadovoljava uopšte standarde u zdravstvu. Znači, sutra kad bi Federalno ministarstvo poslalo komisiju da vide našu zgradu oni bih je zaključali. Ranije je možda i odgovarala standardima, međutim sad ne, pod broj 1 taj pristup, ventilaciju, klimatizaciju, veličinu prostora znači sve ti standardi novi koji postoje u zdravstvu zahtijevaju da se ta zgrada u potpunosti renovira. Mi smo radili projekat i boga mi skoro košta 2 miliona. dom zdravlja ima akumulirani sredstava međutim ne u cjelosti, nama nije problem napraviti sam taj lift, međutim mi ćemo ugradnjom lifta umanjiti dosta prostora, nećemo imati gdje smjestiti porodičnu medicinu i tako da ćemo napraviti još veći problem. Tako da ćemo morati sačekati i ovu godinu i ne znam da li ćemo moći etapno krenuti raditi, znači da jedan dio radova uradimo u ovoj godini a jedan dio u sljedećoj. Pošto mi ne znamo kakvo će biti punjenje zdravstvenog fonda, ne smijemo rizikovati tih 5 % preuzimam rizik da nama fond neće uplatiti ugovoreno sve a to je nama 400.000 KM. Tako da u koliko se desi problem u punjenju zdravstvenog fonda ne smijemo ući u taj rizik. Ali ako to bude u redu u

ovoj godini, onda bi mi mogli sljedeće godine i nastaviti radove. Znači možda se odlučimo u ovoj godini sad je i do upravnog odbora, da li ćemo krenuti u ovoj godini ili sljedećoj. Dom zdravlja sve to finansira vlastitim sredstvima tako da su to zaista veliki izdaci ali će u cjelosti biti sređena renovirana zgrada i dobit će se dosta prostora koji nam je sad nuždan, zato što su novi normativi na snazi i mi moramo imati nove službe, centar za imunizaciju, centar za prevenciju pred školske djece i slično. Jer imamo potrebu da se širimo i potrebu za prostor. meni je jako žao što mi radimo 2 godine a ne možemo i ove godine, međutim isto tako postavlja se pitanje ekonomske opravdanosti, ali u zdravstvu nema ekonomske opravdanosti, ali u zdravstvu nema ekonomske opravdanosti u zdravstvu se mora voditi računa o normativnim standardima. Svaka zdravstvena ustanova mora da zadovolji standarde prostora, opremu i kadar“.

Nihad Krajinović:

„Ja sam već ranije postavio vijećničko pitanje i volio bih da iskoristim priliku i vaše prisustvo ovdje pa da i malo vijećnicima objasnite situaciju naplate usluga u stomatološkoj ambulanti“.

Puškar Hasan:

„Ja ću skrenuti pažnju na vođenje ljekarskog uvjerenja u Domu zdravlja, a to skrećem pažnju već treći mandat. Kako ja skonta mi ćemo za godinu ipo imati tek oćnog ljekara. A ja koliko znam, a znam mi smo jedina općina na kantonu u kojoj se ne može vaditi ljekarsko uvjerenje ili sad može, sad ne može sedmicu može, pet ne može itd. međutim koliko se ja sjećam osim specijaliste za oćno, još jedan specijalista ima koji je bio prije, je li opće medicine ili ćega već koji je trebao specijalista uvijek je bio neki stari. Sad me interesuje je li bar i taj specijalista neki otišao na edukaciju pa da mi znamo, da će nakon godinu i po dana napokon građani općini Graćanica, moći će vaditi ljekarsko uvjerenje kako za posao tako i za polaganje vozaćkih ispita, za oružane listove itd. Jer to je problem na koji ja skrećem pažnju godinu i interesuje me kad će se od prilike taj cjelokupan proces završiti“.

Odgovore je dala Murisa Ustavdić:

„Što se tiće stomatologije ovako. Inaće sve usluge, zavisi od potpisivanja Ugovora sa zdravstvenim fondom. Znaći, uputstvo daje ministarstvo, a na osnovu upstava koje daje ministarstvo Zavod zdravstvenog osiguranja raspisuje javni poziv i mi se javljamo na javni poziv za one usluge za koje Zavod raspiše. Tako da ove godine je raspisan poziv za dječiju preventivnu stomatologiju znaći samo za osobe do 19 godina i to je ono što Zavod zdravstvenog osiguranja finansira. Preko 19. godine je znaći komercijalna usluga i to se naplaćuje prema Federalnom tarifnom cjenovniku. Ono što je hitno to jest jedan dio se uradi besplatno. Znaći ima nekih 5-6 usluga koje su ugovorene, a sve druge usluge se naplaćuju. To je nešto što nije u domenu Doma zdravlja. Što se tiće ljekarskih uvjerenja, koja je komercijalna usluga. Mi smo poslali na specijalizaciju ako ste vidjeli u Uzvješćaju specijalistu medicine rada i sporta i mislim da je već na trećoj godini, specijalizacija je ćetiri godine i oćekujemo da za godinu imamo specijalistu medicine rada i sporta. što se tiće oftamologije evo ja oćekujem da ću imati za godinu ipo dana. Kolegica je već na specijalizaciji koja sebi plaća specijalizaciju, sad to preuzima Dom zdravlja. Sve ostale specijaliste koji su vezani za ta ljekarska mi imamo. Znaći prekid je kad su godišnji odmori. Iznajmljujemo specijalistu medicine rada iz Doma zdravlja Tuzla, a što se tiće oćnog ljekara imamo potpisan ugovor sa privatnom ordinacijom“.

Džebo Senahid:

„Ja sam na prošloj sjednici Općinskog vijeća postavio pitanje i tražio u pismenoj formi da mi se odgovori da li opostoji registarator u Službi hitne pomoći, nego da li se vrši analitika poziva i izlaska tima na lice mjesta i nazad.U toku sjednice dobio sam odgovor od kolege Saše Operhal, gdje sam ja upoznat sa neakvim stvarima i problemima na hitnoj u Domu zdravlja, za koje zbilja nisam ni znao do sad. I ponadao sam se da će kolega ovdje izaći i kazati, da li se šta tu radi po tom osnovu? A što se tiče onog mog pitanja ja i dalje stojim i pitam da li će se radi analitika poziva od onog dijela kako je i kolega naveo, ne znam nepotrebnih poziva, potrebnih poziva, izlaska.Da li je bilo izlaska na teren ili nije ili je to opravdanost, uvijek je negdje na terenu pa evo izaži će“.

Ustavdić Murisa:

„Što se tiče usluga Službe hitne medicinske pomoći, znači postoji obavezna evidencija, medicinska evidencija a tu spada i izlasci na terenu i pizivi i koje usluge pruža.Znači one se vode i elektronski i papirnato.I svi ti izvještaji se šalju u Zavod za zdravstvo i zavod zdravstvenog osiguranja.Znači za to sve postoji informacija.Znači ukoliko su one vama potrebne, ja se ne sjećam da ste vi postavili to pitanje i tražili pismeno da se odgovori evo ja ću zadužiti šefa Službe u doglednom periodu da vam se to pismeno dostavi“.

Zaključena je rasprava i Izvještaj o radu i finansijskom poslovanju sa bilansom stanja i uspjeha, JZU Dom zdravlja Gračanica za 2018. godinu je usvojen jednoglasno.

TAČKA 10

**RAZMATRANJE INFORMACIJE O HIGIJENSKO
EPIDEMIOLOŠKOJ SITUACIJI NA PODRUČJU OPĆINE GRAČANICA**

U diskusiji su učestvovali:

Edin Šehić:

„Evo samo kratko, vezano za neispravnost voda za piće u MZ.Obzirom da je 19 uzoraka Zavod konstatovao da je 10 neispravno, bar ono koliko sam ja vidio, ali evo može mi Muhamed Omerović potvrditi pošto tu živi blizu, da li je na toj vodi kod Tursuna stavljena tabla da ta voda nije ispravna.I obzirom da je načelnik izašao, evo možda neko iz službe može da odgovori da li se potencira sanitarni inspektor koji bi sve to blagovremeno sanirao, da se tako izrazim, dokle se sa tim došlo i da li uskoro možemo očekivati sanitarnog inspektora ispred Općine Gračanica koji može preventivno djelovati što se tiče ovih problema, prvenstveno sa vodom neispravnom za piće“.

Vahidin Smajlović:

„Ja bih sada ovdje uputio jedno pitanje vezano za Brucelozu.Od Bruceloze je prošle godine umrlo 9 ljudi, jedno više nego ranije što je zabrinjavajuće.Jasno znamo šta je Bruceloza.Znači samo me interesuje na koji način vi ostvarujete saradnju JZU Dom zdravlja sa Veterinarskim stanicama i JP Veterinarska stanica Gračanica, kao i ove privatne veterinarske stanice koje djeluju na području općine Gračanica.Što se tiče, ovi bolesni što se prenose sa životinja na čovjeka.

Odgovor je dala direktorica Murisa Ustavdić:

„Naša obaveza u slučaju da se pojave bolesti znači da prijavu vršimo Zavodu za javno zdravstvo, a sve dalje aktivnosti preuzima Zavod za javno zdravstvo.Po pitanju sprečavanja epidemije dužan je Zavod za javno zdravstvo da stupi u kontakt sa Veterinarskim stanicama i sa svim onim službama sa kojima je potrebno da bi se spriječila epidemija. Naša je obaveza da vršimo prijavu i obazno obavještavamo Zavod za javno zdravstvo“.

Dženana Tukulj:

„Evo pošto nema načelnika odgovorit ću ja kao sekretar, raspisan je konkurs za sanitarnog inspektora. U toku je sama procedura, imali smo prijavljeni ali još uvijek nemamo nikakve odluke od strane Agencije za državnu službu. Konkursnu proceduru vodi Agencija za državnu službu Federacije odnosno ispostava Tuzlanskom kantonu. U toku prošle sedmice bio je održan stručni ispit i nismo imali još uvijek zahtjev za imenovanje“.

Zaključena je rasprava, a vijećnici se nisu izjašnjavali o Informaciji što je u skladu sa odredbama Poslovnika.

TAČKA 11

RAZMATRANJE INFORMACIJE O ZBRINJAVANJU NAPUŠTENIH I IZGUBLJENIH ŽIVOTINJA (PASA LUTALICA) NA PODRUČJU OPĆINE GRAČANICA

U diskusiji je učestvovao Edin Šehić:

„Ja bih samo iskoristio priliku s obzirom da je ovdje direktor Veterinarske stanice, doslovno ću pročitati rečenicu u Informaciji. Jedan od problema s kojima se susreće JP Veterinarska stanica Gračanica je da ostale Veterinarske stanice u okruženju koji učestvuju u programu Dogs Trust, pse koje svojim stanicama podvrgnu hirurškim zahvatima puštaju u centar grada, a ne na mjesta na kojima su uhvaćeni. Ovo je zaista ozbiljan problem i volio bih da direktor kaže jeli to zaista istina i šta su poduzeli po tom pitanju i naravno koja je preventiva, šta trebamo učiniti? Ako treba da neke stvari donesemo na Vijeću da se to više ne dešava u užem jezgru grada. Ako je to zaista u gradu treba raditi da se centar grada ne obogati, da tako kažem, psima lotalicama“.

Direktor JP „Veterinarska stanica“ Gračanica Zajim Spahić je odgovorio:

„Ja ću da odgovorim gospodinu na njegovo pitanje. Veliki je problem što se tiče pasa lotalica koji su urađeni putem programa Dugs Trusta. Druge veterinarske stanice, ustvari privatne nemaju svoj servis higijeničara i hvatača para. Jednostavno im dovlače pse možda i iz drugih opština, iz drugih regija iz drugih MZ-a, a po zakonu i po pravilu i po ugovoru Dogs Trusta sa tim organizacijama, dužni su vratiti psa na ono mjesto gdje je uhvaćen. I mi imamo veliki problem, nekad nema 7 dana pasa u gradu a kad se pojave onda čitav čopor po 10-15. Nema dodatni problem pravi i mi ponovo te pse koji su urađeni hvatamo i smještamo dole u naš stacionar. Više nemamo dovoljno mjesta da ih možemo sve smjestiti, a ne smijemo nad njima izvršiti eutanaziju. Ja bih apelovao da komunalni inspektor obiđe veterinarske stanice i da svaku veterinarsku stanicu ima program gdje je uhvatila psa, odakle je porijeklo psa sa slikom, sa markicom i broj čipa. Svi psi moraju biti čipovani, vakcinisani i unešeni u bazu podataka. ta baza podataka se šalje u Banja Luku. ja bih volio da komunalni inspektor obiđe ove dvije stranice i da stvarno smanjimo taj problem, da se uputi jedan pziv prema ministarstvu, a ja ću izaći u susret komunalnom inspektor i svakom ovdje vijećniku da pomogne što se tiče toga. A jednostavno trebamo uputiti javni dopis baš radi ovih problema, jer bih im onda zabranili rad. Mi smo u prošloj godini uhvatili oko 200 pasa i sreća što mi te pse iznajmljujemo Veterinarskom fakultetu pa i tu neka sredstva dobivamo“.

Zaključena je rasprava, a o Informaciji se Vijeće nije izjašnjavalo.

Sjednica je završena u 14,20 sati.

ZAPISNIK VODILA
Mevlida Naimkadić

PREDSJEDAVALA
OPĆINSKOG VIJEĆA

